


== 3 მან. ==



ქოველ კვირეული საზოგადო-ეკონომ-

იური და სალიტერატურო შურნალი

ცალკე ნომერი 5 კაპ.

რედაქცია ღიაა 9—3 საათ.

წელიწადი მესამე

მისამართი: თბილისი, გაბაევსკიი პერ. № 3 რედაქცია „კლდე“. დეპეშისა: თბილისი კლდე.

- ს ა რ ხ ე ვ ი:
1. ქართველი ჯარმისტები.
  2. მეცნიერების ტაძრის კართან.—რ. გ.—ესი.
  3. ანტი-ნაციონალური აზრი.—ბ. კიკინაძისა.
  4. გამოცანა.—ნაცარასი.
  5. იტალიანური ხუმრობა.—თარგმანი შარიანისა.
  6. „ფინანსიური მოსაზრებანი“.—Z—სა.
  7. თანამედროვე ჯამბაზობა.—\*—სა.
  8. ეროვნული უძლეულება და მისი სიმა სსე.—შალვა ჯ—ძესი.
  9. ფრანგ-ფერდინანდის შველულობა.

### მიიღება ხელის მოწერა 1914 წ.

ქოველ კვირეულ საზოგადო-ეკონომიურ

და სალიტერატურო შურნალ

# „კლდე“-ზედ.

1 წლით. . . . . 3 მან.

ფ ა ს ი: 6 თვით . . . . . 2 მან.

3 თვით . . . . . 1 მან.

ცალკე ნომერი ყველგან 5 კაპ.



## ქართველი ალარმისტები

წერა-კითხვის საზოგადოების გარშემო ატეხილ-მა კამათმა ჩვენს პრესაში სავსებით გამოამჟღავნა რა უკიდურესი ალარმიზმია გამეფებული ჩვენი საზოგადოების იმ ნაწილში, რომელიც ითვლება ყველა ჩვენ ეროვნულ-კულტურულ დაწესებულებათა მოთავედ. საკმაო იყო საზოგადო კრების დღე მოახლოვებულიყო, და „სახალხო ფურცელმა“ განაცხადა, —საჭირო არ არის ამ კრებას ხალხი დაესწროსო. „იმერეთმა“ ჯერ აშკარად განაცხადა რამდენიმე წერილში დემოკრატიზაციის სურვილი, მაგრამ იმავე დროს ბ. ისრის პირით სულ წინააღმდეგი აზრი გამოსთქვა და, ალბად, გაზეთის ოფიციალური აზრიც ეს არის. დარჩა ერთად-ერთი ვაზეთი „აზრი“, რომელიც კვლავ დემოკრატიზაციის საჭიროებას ქადაგობს და ჩვენც უნდა გამოვტყდეთ, რომ, ამ ხანად, სიმართლე ამ უკანასკნელის მხარეს არის.

ჩვენ არა გვაქვს არავითარი უფლება ვიფიქროთ, რომ დასელები რამე ანგარებით და პოლიტიკანობით ხელმძღვანელობენ, როცა წერა-კითხვის საზოგადოების დემოკრატიზაციას ქადაგობენ. გვწამს რომ, როგორც მესვეურნი ქართულის დემოკრატიზაცია, ქართულ კულტურის ინტერესებს ისინიც მალა აყენებენ და დაიცავენ კიდევ. თუ ეს ასეა, მაშინ აღარავითარი უფლება არა გვაქვს ვეწინააღმდეგოთ ისეთ მოთხოვნებს, რომელიც დროს შეეფერება და რომელიც უმთავრესად საზოგადოების დემოკრატიზაციაში გამოიხატება. არსებობს მთელი რიგი მოსაზრებათა, რომელიც წინდწინვე გვიკარნახებს, რომ ასეთი ზომა „საზოგადოების“ საქმეს წინ წასწევს და შეასრულებინებს იმ დიად საქმეს, რომელსაც მხოლოდ ოდნავ ასრულებდა მან წლის განმავლობაში. მთავარი ნაკლი „საზოგადოებისა“ ის არის, რომ მან წლის განმავლობაში ერთხელაც ვერ გადიქვა სახალხო დაწესებულებად. მას დიდი სიმპატია აქვს მოპოებული განათლებულ და ინტელიგენტურ წრეებში, მაგრამ იგი მოკლებულია ყურადღებას დაბალის წრეებისას. საწევრო გადასახადის შემცირება კი უმთავრესად ამ ნაკლს გამოასწორებს, მაგრამ საკმაო ამის თქმა, რომ ჩვენი ქებული „დემოკრატია“ ყალყლზედ შესდგეს და მთელი თავისი ალარმიზმი ცხად ჰყოს; მაგრამ ამ ალარმიზმის და მძულვარების გაზიარება ჩვენ არასგზით არ შეგვიძლიან. ამ საკითხში ჩვენ გვანტე-

რესებს უმთავრესად ქართველი ხალხის ინტერესი და ამ ხალხის ინტერესებისათვის არავითარ კომბინაციას არ უნდა დავერიდნეთ. თუ ავგუსტ ბებელს შეეძლო იმის თქმა, რომ პროლეტარიატის ინტერესებისთვის ეშმაკსაც კი დაუმეგობრდებოდა, ქართველი ხალხის ინტერესებისთვის ჩვენ თვით დასელებთან წავალთ ერთად და არ შეუშინდებით იმასაც, თუ ჩვენი „სოციალისტები“ იმის მტკიცებას დაგვიწყებენ, რომ ეშმაკი სჯობიან ქართველ დასელს. ჩვენის ღრმა რწმენით, ყველა ნეიტრალური ეროვნულ-კულტურული დაწესებულება მოვალეა კარი გაულოს ხალხის უმრავლესობას და რადგან ამ ჟამად საზოგადოებრივი აზრი სხვა და სხვა მიმართულებათა ხელშია, ყველა მიმართულებას უნდა ჰქონდეს თავისი ხმა **საერთო**, ნეიტრალურ ნიადაგზედ.

## მეცნიერების ტაძარის კართან

ყოველთვის, როცა ადამიანი შედის ქართულ საისტორიო და საეთნოგრაფიო მუზეუმში, რაღაც არაჩვეულებრივ კმაყოფილებასა და სიმშვიდესა გრძნობს. ის დაჩუქურთმებული ხე, ჩამოსხმულ-გამშვენებელი ლითონი, ნაკვეთი ქვა, თუ აბრეშუმის, შალის ქსოვილები, რომელნიც უხვად შეკრებილან ამ ორ-სამ წელიწადში, —იმედს აღვიძებენ ადამიანის გულში, რომ „აწმყო, ნაშობი წარსული-საგან —მყობადის დამბადველია“. თითქმის ერთადერთი დაწესებულებაა, საცა შეკრებილა მრავლად, ჩვენი წარსული **ნივთიერი და სულიერი** კულტურის ნაშთები; დალაგებულა სიყვარულით, მეცნიერულის თანდათანობით, ევროპიულად სუფთა და ლამაზ კარადებში. თითქმის მარტო აქა გრძნობთ, რომ ნამდვილ კულტურულ დაწესებულებაში ხართ, საცა გამეფებულია პატიოსანი, მოსიყვარულე შრომა, საცა არ ისმის ინტრიგის, პარტიობის, ან სხვა ქვენა გრძნობებით სავეს ქრიაშული. მართლაც ეს მუზეუმი —ტაძარი, შექმნილი სულ რამდენიმე მოსიყვარულე ქურუმისაგან, რომელნიც თავგამომეტებით სწირავენ მას თავის დროს, ენერგიას და სიყვარულს. აქ თვალნათლივად სჩანს თუ რა შეუძლიან შექმნას შეთანხმებულს ენერგიას, თუნდ სულ მცირედი ხალხისას.

ყოველთვის კმაყოფილებას განიცდის კაცი ამ



სურათების, ხელოვნურ ნაწარმოების და ძველ ნაშთთა და წიგნების შორის, მაგრამ წარსული კვირის საერთო კრებამ ქართულ საისტორიო და საეთნოგრაფიო საზოგადოებისა, საცა ბევრი საგულისხმეო რამ მოვისმინეთ და დავინახეთ; საცა მოკლედ, შინაარსიანად გაგვაცნო პატივეცემულმა ე. თაყაიშვილმა, მოგზაურობის სახით — ის ნივთიერი და სულიერი კულტურის განძეულობა, რომელიც აქამდის დარჩენილ-გაფანტულია ჩვენს ეკლესიებსა და მონასტრებში, — უნდა გულახდითა ვსტკვათ, რომ ერთ საუკეთესო დღეს შევესწარით.

ჩვენი ჟურნალის 23-ე ნომერში უკვე გვქონდა დაბეჭდილი ქ. ს.-საეთნოგრაფიო საზოგადოების ანგარიში, რომელიც სხვათა შორის, დამტკიცდა ხსენებულ კრებაზედ. დამტკიცდა სავარაუდო ხარჯთაღრიცხვაც, რომელიც გამოიხატა მეტად მცირე ციფრში: სულ 10,487 მან. ამაზედ ქვეითაც მოგახსენებთ და ჯერ დაუბრუნდეთ კრებას. საუბედუროდ, კრება არ იყო მრავალ-რიცხოვანი, მაგრამ სამაგიეროდ დარბაისლური და საქმიანი, საცა არ ისმოდა ტრაფარეტული ლაყბობა ჩვენი სხვა კრებებისა. ანგარიშის შემდეგ, კრებას მოხსენდა განზრახვა გამგეობისა — გამოსცეს ალბომი იმ ნახატებისა, ნიმუშებისა, რომელნიც გადმოღებულია ჩვენი ეკლესიების კედლებიდან. ერთი ფურცელი მომავალი ალბომისა, ლამაზად გამოცემული და მისი გადმოხატული დედანი დაურვიდა კრებას სანახავად. ი. ავალიშვილმა მიაქცია კრების ყურადღება იმაზედ, რომ დაბეჭდილი ცალი ცოტა განსხვავდება ფერებით და მოხაზულობით, ნახატისაგან. კრებამ გამოსტკვა სურვილი და ლექველია, გამგეობაც მიაქცევს ყურადღებას, რომ ნახატები რაც შეიძლება მეტად დაუახლოვოს არა მარტო გადმოღებულს სურათს, არამედ თვით დედნებსაც. კრებამ რ. გაბაშვილის წინადადებით, დაადასტურა ისიც, რომ ასეთი ალბომი უნდა გამოიცეს მაშინაც, თუ საზოგადოებას ზედმეტი ხარჯი მოუვა, რადგან შეუძლებელია ლაპარაკი „ზარალზედ“, როცა საკითხი ეხება ისეთ საქმეს, რომელსაც დიდი მნიშვნელობა ექნება თვით ქართველებისათვისაც და უცხო ერთა წარმოდგენისათვისაც ქართველებზედ.

კრებამ მოისმინა აგრედვე მოხსენება ე. თაყაიშვილისა გურია-სამეგრელო-იმერეთში მოგზაურობაზედ. ჩვენ თვალწინ გაიარა აუარებელმა ფრესკამ, მინანქრიანმა და ოქროთ ნაქედმა ხატმა და ჯვარმა, საუცხოვოდ დაწერილმა წიგნებმა, დაკარგულმა და კიდევ დარჩენილმა საუნჯემ ჩვენი ისტორიისა.

ჩვენ მოვისმინეთ საუკეთესო აღწერილობა ტყვირის, მარტილის, წალენჯიხის, ზუგდიდის, ხოპის და სხ. ეკლესიებისა, საცა გადარჩენილა ბარბაროსულ გაცარცვას მინანქრიანი საუცხოვო ნაწარმოებნი, რომელნიც არ ჩამოგვარდებიან და ზოგში კიდევ სჯობიან ბიზანტიურ ნაწარმოებს (ჯვრები, სანაწილე, პანაგია და სხ. — მარტილში); გადარჩენილა კერპთ-თაყვანის მცემლობის დროის დაჩუქურთმებული ქვებიც, რომელნიც ჩატანებულია, ე. თაყაიშვილის აზრით, ქრისტიანულ ეკლესიების კედლებში. გადარჩენილა და დაღუპვის გზას კი ადგია მრავალი ფრესკა, რომლებსაც შეგნებულად და შეუგნებლად ახდენს დრო, წყალი და ადამიანიც.

გაკვრით გავეცანით ეხლანდელ დადიანთა გვარის წარმოებას ჩიქოვანთაგან; აგრედვე იმას, თუ როგორ შლიდა ერთი მოდგმა დადიანთა ან მეფეებისა, წინა მოდგმის სურათებს, რომ თავისები დაეხატა; ან როგორ იცვლებოდა საუკუნეთა განმავლობაში ხუროთ-მოდღერების საფეხურები, რის მიხედვით ეხლაც ემჩნევა ეკლესიებს სხვა და სხვა დროის მიშენებული, ან გადაშენებული ნაწილები.

ყოველი სიტყვა ბ-ნ თაყაიშვილისა, კრებამ შემდეგ თითქმის თავისი თვალთი ნახა განხორციელებული, რადგან ბ-ნ კუნეს დახმარებით, თაყაიშვილს შეუკრებია და კრების დღეს გამოფენილი იყო თითქმის ყველა სურათი იმ ნაშთებისა, რომელზედაც გველაპარაკებოდნენ. სურათები მართლაც საუცხოვოა და ევროპიელ საუკეთესო მუზეუმების დამშენებებსაც შესძლებდნენ; არამც თუ ჩვენი პატარა და ახლად აღორძინებულისა.

კრებამ დაათვალიერა მუზეუმიც, რომელსაც დღითი-დღე ემატება ნივთები, საგანძური, სურათები და ისეთი საოცარის სისწრაფით, რომ ზალაში არ დატეული, ტალანტში აწყვიდა და ჰკიღია და ახლო მომავალში კიდევ და კიდევ დისქირდება ადგილი, რის გამოისობით აუცილებლად უნდა დაჩქარდეს ქართული მუზეუმის შენობაც.

მაგრამ ყველა ზემო აღნიშნულიდან უეჭველად პრაქტიკული მოსაზრებანიც უნდა გამოვიყვანოთ, რომ საუცხოვოდ ჩაყრილ სამიკველზედ უფრო უმჯობესი შენობა ამოვიყვანოთ მომავლისათვის. რასაკვირველია, როგორც ყველაფერში და მუზეუმის საქმეში ნამეტნავად — საჭიროა ფული და აგრედვე, როგორც ყველა სხვა საქმეში — „უნდა ეთხოვოს თავად-აზნაურობას“, რაც უკვე შაბლონურ ფრაზად გადაიქცა. მაგრამ, ჩვენის აზრით, ეს „თხოვნა“ შესაძლებელია, უფრო დასაბუთებული



იყოს და თვით სახსარიც შეიძლება იყოს ნაჩვენები.

ჯერ ერთი რომ მუზეუმი ისეთი განძია, რომელზედაც დახარჯული ფული უქმად არ იკარგება, არამედ ერთი ათად და ბევრჯერ ერთი ასად უზრუნდება ქართველ საზოგადოებას იმ ისტორიულ და ძვირფასად ღირებული ნაშთების სახით, რომელთაც გარღვევად და მეტად დიდი მნიშვნელობა აქვთ ჩვენთვის, როგორც ჩვენი ეროვნული კულტურის გაცნობისათვის წარსულში, ისევე მის აღორძინებისათვის მომავალში. მაზედ დახარჯული ფული, საქველმოქმედოთ გაბნეული თანხა კი არ არის, რომელიც ბევრჯერ ტყუილ-უბრალოდ იკარგება — არამედ ფასდაუდებელი ხდება სიძველეთა შეკრებით. თავად-აზნაურობას ყოველთვის აქვს შეძლება შეამოკლოს საქველმოქმედო თანხები, რომ ამ დიდ საქმეს შეუწყოს ხელი. ავიღოთ თუნდ ისეთები, როგორც სასტიპენდიო თანხა, რომელიც ყოველ წლივ მცირდება, და შეიძლება მისი დანაკლისი მთლად საისტორიო და საეთნოგრაფიო საზოგადოებას მიეცეს ხოლმე. შეიძლება კიდევ სხვაც გამოინახოს, მაგრამ ჩვენ გვინდა ჯერჯერობით ერთ თვალსაჩინო გარემოებას მივაქციოთ ყურადღება, რაც განსაკუთრებით შეუწყობს ხელს სამუზეუმო საქმეს. ამ ორიოდ წლის წინად, ქართულ საისტორიო და საეთნოგრაფიო საზოგადოებამ აღძრა საკითხი წერა-კითხვისგ. საზოგადოებაში, რომ საქირია ამ ორი დაწესებულების მუზეუმთა შეერთება. დღეს ყველასათვის ცხადი უნდა იყოს, რომ ბევრი მოსაზრებით ეს საკითხი სწორედ ისე უნდა გადაიჭრას, როგორც ითხოვდა ქ.-ს.-სათნ. საზოგადოება. ე. ი. გადაეცეს წ.-კ. ს. მუზეუმი სპეციალურად ამისათვის დაარსებულ საზოგადოებას. ამ აზრიან ნაბიჯს შეიძლება მეტად თვალსაჩინო შედეგები მოჰყვეს: ჯერ ერთი ქ. შ. წ.-კ. გ. საზოგადოება განთავისუფლდება იმ ზედმეტ ბალანტისაგან, რომელიც ქართველმა საზოგადოებამ თავს მოახვია იმ დროს, როცა სხვა საზოგადოება არა იყო რა; რომელიც არამც თუ მისი (წ.-კ. ს.) მიზნისათვის არაა საქირია, არამედ ვიდევაც აფერხებს მის მსვლელობას. მეორეს მხრით, თვით წ.-კ. გ. ს. მუზეუმი მოიგებს იმ მხრივ, რომ განსაკუთრებული, სპეციალურად ამისათვის მიჩენილი ზედამხედველი ეყოლება, ისეთი მოსიყვარულე საზოგადოების სახით, როგორც არის ქართული საისტორიო და საეთნოგრაფიო საზოგადოება. ამის საილუსტრაციოდ თუნდა ის კმარა, რომ მნ წლის განმავლობაში

შეგროვილი მუზეუმი წ.-კ. გ. საზოგადოებისა, თითქმის უმწეო სანახაობას წარმოადგენს შედარებით იმ საისტორიო—საეთნოგრაფიო საზოგადოების მუზეუმთან, რომელიც სულ სამი-ოთხი წლის განმავლობაში დიდებულ კულტურულ დაწესებულებად გარდაიქცა. ამ შეერთებით თავის-თავადაც უფრო გაიზრდება ეხლა განყოფილი საკულტურო ცენტრი და განთავისუფლდება ის სამუზეუმო ხარჯიც, რომელიც ეძლევა წ.-კ. გ. საზოგადოებას თავდა-აზნაურობისაგან. შეიძლება ეს თანხაც მოხმარდეს ისეთ დიდ საქმეს, როგორც ნაშთთა შეგროვებაა. ყველა ამ მოსაზრებათა გარდა, ეს ნაბიჯი ხელს შეუწყობს საკუთარი მუზეუმის აზრის მომწიფებას, ვინაიდან უკვე საკმაოდ არის მოგროვილი ნივთიერი ღირებულება, რომ მის დაცვაზედ ვიზრუნოთ განსაკუთრებით. ის სიყვარული და დაულალავი შრომა, რომელსაც იჩენდნენ და იჩენენ აქამდის ქ. ს.-სათნოგ. საზოგადოების გამგენი დაწესებულ საქმისადმი, სრულს გარანტიას იძლევა, რომ მომავალი ამ საზოგადოებისა და მისი დიდი დანიშნულებისა — უზრუნველყოფილია და ქართველ საზოგადოებასაც მართებს პატივისცემით და ერთგულად დაეხმაროს მას ყოველმხრივ.

ჩვენის აზრით, დროა ქართველმა საზოგადოებამ განსაკუთრებული ყურადღება მიაქციოს ნაშთთა შეგროვებას, რადგან უკანასკნელნი წლობით კი არა, ყოველდღიურად იკარგებიან და ირეცხებიან ჩვენი სამშობლოს პირიდან; დროა, იმ აღუარებელი დარჩენილი ნაქერ-ნაგლეჯებიდან მაინც შეექმნათ დიდი ტაძარი მეცნიერებისათვის; დროა, სამშობლოს გაფანტულ კუთხეებიდან გამოვწუროთ და ერთ ადგილს მოვაგროვოთ ჩვენი კულტურული საუნჯენი, და საცა შეიძლება ადგილობრივ გამაგრებასაც შეუწყოთ ხელი — ამისათვის კი საკმარისი არ არის თავად-აზნაურობის ან საისტორიო საზოგადოების თანხები; ამისათვის საქირია მთელი ქართველი საზოგადოების თანაგრძნობა და მსხვერპლიც, რომ შეაგროვონ, შეინახონ და მიაწოდონ ჩვენს ნორჩ დაწესებულებას არა მარტო კანტი-კუნტი ცნობები, არამედ ნივთები, ხელნაწერები, წიგნები, რაც კი ვის ეგულება შინ და გარედ; ამისათვის საქირია თავ-გამოდება, რომ საქართველოს შეენახოს არა მარტო მისი სულიერი კულტურის ისეთი ნაშთები, როგორც უკვდავ შოთას „ვეფხისტყაოსანი“, არამედ ისეთი სულიერ-ნივთიერი საუნჯეც, როგორც იქნება სრულიად საქართველოს საისტორიო, საეთნოგრაფიო და საარქეოლოგიო მუზეუმი.



ქ. ს.-სათნ. საზოგადოებასთან ერთად, ჩვენც მიემართავთ ქართველ საზოგადოებათა ყველა წარმომადგენლებს—მივიდნენ ნახონ, თვითონ დარწმუნდნენ დაწყებულ საქმის სიდიადეში, რომ უფრო აღფრთოვანებით შეეგებნენ ამ დიდ საქმეს და ხელი შეუწყონ მის კეთილს განხორციელებას. ეს საქმეც უნდა მით უფრო დაჩქარდეს, რომ დღეს საისტორიო საზოგადოებას სათავეში უდგას მისი იდეალური მიზნით გატაცებული ხალხი, რასაც ყოველი საქმისათვის, ნამეტნავად მისი შენების დროს, უაღრესი მნიშვნელობა აქვს. ასეთი იყო ძვირფასი ალ. სარაჯიშვილიც, რომელიც უღმომებლო სიკვდილმა გამოჰკვლია მკიდრო კოლეგიიდან და დააბლა უკანასკნელი. მაგრამ საისტორიო და საეთნოგრაფიო საზოგადოება მით არის ბედნიერი, რომ ასეთივე მუყაითი და მოსიყვარულე მუშაკი კიდევ შერჩა რამდენიმე, რომელნიც დიდ ეროვნულ საქმეს არ უღალატებენ და კეთილ-სინდისიერად ააშენებენ იმ ტაძარს, რომელსაც ასეთის სიყვარულით ჩაუყარეს ღირსეული საძირველი.

რ. გ

### ანტიანაციონალური აზრი

როდესაც რომელიმე ხალხი ძირითად ცვლილებას განიცდის თავის მოწყობილობისა და ფიზიოლოგიისას, მის ცხოვრებაში შეიძინევა ხშირად ისეთი მოვლენანი, რომელნიც პირველ შეხედვით არასასურველად და მავნედაც ეჩვენებიან კაცს, მაგრამ ცხოვრების პრაქტიკა და ნამდვილი გამოკვლევა საკითხისა, ბევრს ამგვარ მოვლენას სულ სხვა სახეს აძლევს და სულ სხვა მხრით გვიჩვენებს იმას, რაც არასასურველი გვეგონა და მავნე.

სწორედ ამგვარ მოვლენას წარმოადგენს ჩვენი უმაღლეს სწავლა მიღებული ახალგაზრდობა. თითქმის ყოველი ქართველი ყმაწვილი, უმაღლეს სასწავლებლის დამთავრების შემდეგ, აღზრდილი უცხო, არამშობლიურ ნიადაგზედ, უცხო ენის დახმარებით და უცხო საზოგადოებაში, გრძნობს თითქო დაშორებოდეს თავის ხალხს და მის ჭირ-ვარამს. ეს აწუხებს რასაკვირველია მას და კიდევაც აშინებს. ვაი თუ, ფიქრობს ის, ეს სწავლა და ჯაფა სულ უნაყოფო დარჩა და არაფერი გამოსადეგი იქნა საქართველოსათვისო?—მე თუ დავშორებივარ მას,

რალა სარგებლობა უნდა მოუტანოს მას ჩემმა მუშაობამ?

აი, ამ დროს, როდესაც ყმაწვილი ამ წერტილს მიაწევს, უნდა გამოდგეს ქართული პრესა და გარკვევით აუხსნას მას, რომ სცდება ის, ასე თუ ფიქრობს. ქართველად დაბადებული და საქართველოსათვის ევროპიულად აღზრდილი, ის ნამდვილად უცხო კი არა, სხვებზე მეტად დაახლოვებულია საქართველოს საქმიეებზე. პრესამ უნდა დაუმტკიცოს მას, რომ მისი „უცხოობა“ დროებითი მოვლენაა და გაქრება, როგორც კი გაერევა იგი სამშობლოს საქმიეებში. ერთი სიტყვით, პრესამ უნდა გაუხილოს თვალი ამ საკითხზე იმათაც, ვინც, როგორც სამწუხაროდ ხშირად სწერენ ხოლმე ჩვენ გაზეთებში, „გადაგვარების გზას ადგიან“.—ვამბობ „სამწუხაროდ“, რადგანაც ამისთანა პირნი რეალურად არ არსებობენ ქართულ ნასწავლ ახალგაზრდობაში.

საქართველო, ძალად ჩამოყენებული გარემომორტყმული მტერისაგან თავის ისტორიულ ლიანდაგიდან, იმგვარ მდგომარეობაში ჩავარდა, რომ თავის საკუთარი კულტურული წინსვლა შეუჩერდა. სამშობლოს მოყვარე ადამიანს გული უკვდებოდა მის მზერით და ბევრს უთუოდ იმედიც-კი ეკარგებოდა მის ხელახლად გაღვიძებისა.

მაგრამ სული ქართველ ხალხისა მხოლოდ მოკლე ხნით (ისტორიულად რომ გავსინჯოთ!) მიღუნებულიყო თურმე... მართალია, არა საკუთარ კულტურის გზას, არამედ რუსეთით ევროპიდან შემოტანილს დაადგა საქართველო, მართალია, ისიც რომ პირველი ნაბიჯები ამ გზაზედ იყვნენ თუმცა გამოჩენილი და მნიშვნელოვანი მაგრამ მცირენი რიცხვით. ქართველებმა გამოიჩინეს დიდი ნიჭი, გაითქვეს კიდევაც სახელი, მაგრამ რიცხვი ნასწავლ მოღვაწეებისა იმდენად მცირე იყო რომ იკარგებოდა ხალხის გაუნათლებელ ზღვაში.—თვით ცხოვრება საქართველოში ჯერ კიდევ ნელ-ნელა მიგორავდა უვარგისი გზით.

გაიარა დრომ, ჩვენი ახალგაზრდობა შედიოდა იმ სკოლებში, რომელიც რუსეთმა დააარსა საქართველოში, შემდეგ რუსეთის ან საზღვარ გარეთის უმაღლეს სასწავლებლებში, იზრდებოდა იქ სულ უცხო ნიადაგზედ, სრულებით უცხო საზოგადოებაში; მშობლიურ ენაზედ არა ჰქონდათ, და არც ეხლა აქვსთ შეძლება შეესწავლათ ის საგნები, შეეგროვებიანთ ის ცოდნა, რომელსაც აძლევდა უცხო ენა. ახალი მოწყობილობა ცხოვრებისა სთხოვდა



მამულიშვილებს სულ სხვა ცოდნას, სულ ახალ მოხერხებას — საქართველო იცვლებოდა თანდათან. დაიჭრა რკინის გზებით; აქა-იქ აბოლდა ქარხნის მილებით; მოიქსოვა ტელეგრაფის და ტელეფონის მავთულებით. მას სჭირდებოდა მცოდნე საკუთარი მრეწველები, განათლებული ვაჭრები, ინჟინრები, აგრონომები, იურისტები, ექიმები, ეკონომისტები და სხვ. სად და როგორ უნდა შეესწავლათ ეს სუყველადღერი?

რუსეთის ისტორიას რომ გადავავლოთ თვალი ამისთანავე სურათს დავინახავთ. განა როდესაც რუსეთი ძალაუნებრივ უხვევდა ევროპიულ კულტურის გზისაკენ, ამისთანავე მდგომარეობაში არ იყო? განა მაშინდელი რუსეთის ახალგაზრდობა ისეთივე „უცხო“ არ იყო თავის აღზრდით? იყო დრო, როდესაც რუსულ ნასწავლ წრეებში უფრო ხშირად ფრანგულს გაიგონებდით, ვიდრე რუსულს. ზოგიერთმა კარგად არც კი იცოდა წერა-კითხვა. გაიხსენეთ გრიბოდოვის სიტყვები ამის შესახებ — რა რიგად დასცინის ის „გაფრანკუზებას“!

დაუკვირდით ეხლანდელ რუსეთს და აშკარად დანახავთ თუ რამდენი რამ შეჰმატეს მას „გაფრანკუზებულებმა“ — მათ შეჰქმნეს ნამდვილი რუსული მეცნიერება. მათ შეჰქმნეს დიდი რუსეთი და ეხლა მათ შვილის-შვილებს შეუძლიათ თავის სამშობლო ენაზე შეისწავლონ თითქმის სუყველადღერი, რაც სჭირდება ამ ევებერთელა სახელმწიფოს. ეხლა აღარ არსებობს უსიკვდილო საჭიროება უცხო ენისა და გათავდა ფრანგული ენის გეგემონია რუსულ საზოგადოებაში. დროებით „გაფრანკუზება“ იყო ნამდვილი პატრიოტული ნაბიჯი რუსეთის მაშინდელ საზოგადოებისა.

ასეთივე ავადმყოფობა ნაციონალურ ფიზიონომიისა უნდა გადაიტანოს საქართველომ — ეს აუცილებელია, როგორც წითელა-ბატონები ბავშვისათვის. ეს „ავადმყოფობა“ კარგა ხანია დაიწყო; საქართველოში მოგროვდა და იზრდება ჯგუფი უცხოეთში განათლებულ პირთა — ამ ჯგუფს, როგორც ზემოდ აღვნიშნეთ, ერთი სენი სჭირს — დაშორებია სამშობლო ენას და სამშობლოს ჩვეულებათ. არც იმდენად, როგორც ერთ დროს რუსეთის ინტელიგენცია, მაგრამ მაინც გვარიანად. უმეტესობა, რასაკვირველია თავისუფლად ლაპარაკობს და სწერს ქართულად, გაცნობილია საქართველოს ისტორიას, ლიტერატურას, მაგრამ ამ ნაწილსაც, რასაკვირველია პირველ ხანებში, უფრო ეხერხება იმ ენაზე გამოსთქვას თავისი აზრი, რომელზედაც უსწავლია

თითქმის თხუთმეტი წლის განმავლობაში. — „ბატონებო! — ვილუბებით! ჩვენი ახალგაზრდობა სულ გარუსდაო!“ რამდენჯერ გაგვიგონია და წავგიკითხავს ეს სიტყვები? — ძალიან შემცდარი და მანვე აზრია ესა, ჩვენი შეხედულობით.

შემცდარი იმიტომ რომ ჩვენი ნასწავლი ახალგაზრდობა არის ერთადერთი იმედი და უტყუარი იმედი ჩვენი სამშობლოსი — მარტო დროებით, **გარეგნულად** გარუსების, გაფრანკუზების ან განემეცების გზა გვიდევს წინ — ეს აუცილებელია, თუ გვინდა მართლა შევინახოთ ჩვენი ნაციონალური სახე და დავიფაროთ ჩვენი ხალხოსნობა გადაგვარებისაგან.

ეს აზრი მანვეც არის, რადგანაც იწვევს განხეთქილებას იქ, სადაც მჭიდრო კავშირი და მეგობრობა უნდა იყოს. როგორც უნდა იყოს ჩვენი ახალგაზრდობა, მხოლოდ ის შეჰქმნის და ჰქმნის კიდევაც **ახალ საქართველოს, ახალ ცხოვრებას** ქართველი ხალხისას. მხოლოდ ის შეჰქმნის ჩვენს საკუთარ მრეწველობას, ევროპიულ ვაჭრობას, საკუთარ მეცნიერებას, ერთი სიტყვით, მისცემს ქართველ ხალხს იმას, ურარაოდ შეუძლებელია ხალხის ცხოვრება მე-XX საუკუნეში.

დადგება დრო, როდესაც ექნებათ ქართველებს შეძლება შეისწავლონ ბევრი რამ ქართულს ენაზე — რუსული ან სხვა ენა ისევ საჭირო იქნება, მაგრამ არა ისე აუცილებელი განვითარებისათვის, როგორც ეხლა.

მაშინ გაჰქრება მოვლენა, რომელიც გვაწუხებს ეხლა და შეიქნება ისტორიულ „მოგონებად“, როგორც რუსებისათვის მაგალითად ფრანგული.

იმათ, ვისაც არა სწამს რა ამგვარ პატრიოტიზმისა, მოვავანებთ პეტრე დიდის დროს რუსეთში.

ვინ იყო ნამდვილი პატრიოტი და ნამდვილი რუსი: პეტრე დიდი და მისი თანაშემწეები, რომლებმაც ჰოლანდელები და ნემცები შემოასიეს რუსეთს და მოსკოვი უარჰყვეს, თუ ის „ბოიარები“, რომელნიც გრძელს სახელოებს და დიდ წვერებს დაატარებდნენ? — ჩავფიქრდეთ!

ბ. ჭიჭინაძე.

პეტერბურგი 1914 წ.



# გ ა მ ო ც ა ნ ა

ამბობენ, რომ „საერთაშორისო“ დიპლომატია ბევრჯერ „ფინანსიურ მოსაზრებით“ ხელმძღვანელობს, როცა „უმაღლესი სამართლის“ სასწორს ამა თუ იმ კეთილ საქმისთვისა ხრის საითკენმე. ამბობენ იმასაც, რომ დიდ დიპლომატებს პატარეებიც ჰბაძავენ ხოლმე, თუმცა ცუდათ, მაგრამ მაინც... იმასაც კი ამბობენ, რომ „საერთაშორისო დიპლომატიას“ „ფინანსიური მოსაზრება“ ყოველთვის ისე ესმის, რომ ყველა სახელმწიფოს წარმომადგენელი სხვის წყაღში თავისათვის თევზებს იჭერს, თუმცა კი ირწმუნება: შენთვის ვიჭერო. წარმოიდგინეთ, იმის თქმასაც კი არ ერიდებიან, რომ პატარა დიპლომატებიც სწორედ ასე იქცევიანო... თუმცა ცუდათ, მაგრამ მაინც. ზოგი იქამდის კადნიერდება, რომ დიდი და პატარა დიპლომატების „ფინანსიურ მოსაზრებაში“, სულ სხვა მოსაზრებასა ხედავს. მაგრამ კადნიერების უმაღლესი საფეხურს ისინი აღწევენ, ვინც ამბობს: „საერთაშორისო დიპლომატიის“ ფინანსიურ ფიცს, მამალ-ხრიკის ბოლოს—ისტორია გამოუჩენსო, მაშინ როდესაც პატარა დიპლომატის ფინანსიურ ფიცს მამლის ბოლო მაშინვე უჩანსო.

## ნაცრა.

# იტალიანური სუძრობა

(ნოველა ჯოვანნო კარიეროსი)

ერთს ბებერ თავადს მშვენიერ ნეპოლის განაშიძას, მუდრო კუთხეში ჰქონდა ღამაზად ნაშენი „ვილას“, რომელსაც გამწვანებულ-გამომწვანებულ სილამაზისთვის „villa Rosa“-ს ეძახდნენ. თავადი იმდენად დაბერებული იყო, რომ გამოერუებისაგან ვეღარ აშინებდა, უურადღებს არ აქცევდა არამც თუ მშვენიერ ვილასს, თავის ცოლსა და ქალსაც კი. უკანასკნელნი კი იმდენად ღამაზნი იყვნენ რომ ძნელი გამოსაცნობი იყო, რა უფრო იზიდავდა ღურჯო ზღვის ნაპირისაკენ ნეპოლელ ახალგაზრდობას, — „villa Rosa“, 40 წლის, მაგრამ კარგად შენახული და მშვენიერი გულ-მკერდის პატრონი ფრანჩესკა ღურჯაკო, თუ მისი 19 წლის ნაზი და სთუთად ნაზარდი ყვავილეფით ტურფა იფიგენია. ეგულა ეს შეტად ძნელი გამოსაცნობია, მაგრამ დედა და ქალი ერთმანეთს

არწმუნებდნენ რატომღაც, რომ ასეთი მიმზიდველობა მათს კოხტა „ვილასს“ აქვს.

როდესაც ასეთი „კამათი“ კარგა დიდხანს გასტანდა ხოლმე და დედა-შვილის ეშმაკურად გადაიშვულ თვალეში თითქო უნდაბლობის ნაშერწყალი გაიბუნდა, სიცილ-კვირით მიიბუნდნენ ბებერ ჯოვანისთან და ლაქტით დაუწებდნენ:

— მამა, მართალი არაა განა, რომ ანტონიო ყოველ დღე იმისთვის დაიარება აქეთკენ, რომ ჩვენი ვილასს სიმშვენიერით დასტებეს?

— ჯიანო, განა სტეფანო გამუდმებით იმიტომ არ უუერებს ჩვენს სახლს, რომ საშინლად უნდა გადაიდოს თავის სახლისთვის ჩვენი ვილასს წინა პირი?

— ჰა? ხო! როგორა? — ჰო, ჰო, რასაკვირველია, დათანხმებოდა ბებერი ჯოვანნი და მუხლებზედ შაღს გადასწორებდა.

მაგრამ ერთ მთვარის საღამოს, ჯოვანის ვილასზედ სტუმრად მოვიდა სტეფანო მანტუცი და სახლის წინა პირის მაგიერ, უგულა პირები დაათვალიერა. ამასთან ისეთი ხუმარა და ოხუნჯი გამოდგა, რომ თვით ბებერი თავადი სთხოვდა საღამოთი: „კვლავაც ნუ დაგვივიწყებთო“; თუმცა პირველში იწინა მუედროების დარღვევა და ცოლსაც გაუფარდა, როცა სტეფანო ოთახებს ათვალიერებდა: „რისთვის მოათრეთ ეს უცხო კაცი“.

სტეფანომ მოუხშირა სიარულს და სრულიად გადავიწვდა პირვანდელი მიზანი—სახლის წინა პირის გადაღების. მაგრამ ერთხელ ფრანჩესკამ მოაგონა ეს ამბავი ჯოვანისთვის გასაკანებლად და სტეფანომ მართლაც სტაცა ხელი ამ მოგონებას:

— მართლა, კინაღამ დამავიწყდა, ჩვენი გამოჩენილი მხატვარი ანტონიო დიბრა, ერთი ხანია მთხოვს ნება მომცენ მე გადავხატო ვილასო და თქვენთვისაც გამოდგებაო. რასაკვირველია ის ჩემზედ უკეთ შეასრულებს ამ საქმეს, თუ კი თქვენი თანხმობაც იქნება.

— დიდათ სსიამოვნო იქნება, სთქვა ფრანჩესკამ. ჯოვანნიმ შუბლი შეიკრა, რადგან კიდევ ერთ ადამიანს უნდა დაერღვია მისი მუედროება, მაგრამ ხმა-მადლა ასე სთქვა:

— ჰო, ჰო, დახატოს, ჩვენც გამოგვადგება... და კვლავ შალი გადასწორა.

ამ დღის შემდეგ ანტონიო და სტეფანო ერთად დაიარებოდნენ ღურჯაკოს სახლში და რაც უფრო საკვირველია, უმეტეს წილად ელამარაკობდნენ, ესუბრობდნენ და ცინებდნენ თვითონ ჯოვანის და თითქოს უუურადღებოდ სტოვებდნენ მშვენიერ ფრანჩესკას და ტურფა პეკლურ იფიგენიას.



ჯიოვანინი ისე შეეჩვია სტუფანოს სუმრობას, რომ იმის მართალიც აღარა სჯერადა და სულ უბრალო მიზეზი იყო საკმარისი, რომ მის ბებრულ სიციფლს გაეხმაურებინა იქაურობა. მაგრამ ერთ უცნაურ დღეს ფრანჩესკა და სტუფანო სადღაც გაქრნენ და ანტონიო მარტოდა ცდილობდა ბებერის კართობას. ამას ვერ ახერხებდა და ბებერი წამდაუწუმ კითხვაში იყო, სად არის ფრანჩესკა, ჩემი ცოლი ფრანჩესკა.

— უთუოდ სტუფანომ კიდევ იხუმრა რამე, ამშვიდებდა მამას ანტონიოს წასვლის შემდეგ—ფიგენია და თან ცდილობდა მიმხვდარიყო თუ რად უნდა წასულიყო მისი დედა.

სტუფანოს ხუმრობა კარგა დიდხანს გაგრძელდა, მაგრამ როცა მეორე დღეს მოვიდა ისევ ისეთი მხიარული, ხუმარა, ჯიოვანინი დაიჯერა თითქმის, რომ მან „იხუმრა“ და ნამეტნავად მაშინ, როცა ფრანჩესკამაც დაურთო:

— ოჰ, ვერ წარმოიდგენ რა ხუმარა უაფიჯა სტუფანო, მთელი გზა კინაღამ სიცილით მომკვალა.

არავინ იცის, წამბაძველობით მოუვიდათ, მართლაც ხუმრობის გუნებაზე დადგნენ თუ სხვა რამ მიზეზი იყო, მაგრამ ერთი კვირაც არ გასულიყო, რომ „Villa Rosa“ ჯიოვანინის, ფრანჩესკას და სტუფანოს ამარაღარა და იფიგენია ანტონიოთი კი აღარ ახმაურებდნენ იქაურობას.

სამინაღდ ღელავდა და ჭავრობდა დედა, ოხრავდა და მოსთქვამდა ჯიოვანინო და მარტო სტუფანო არა ჰქარავდა სულის სიმშვიდეს და კვლავინდებურად იცინოდა, ხუმრობდა.

— მოფლენ, უთუოდ გვეხუმრებინაო.

მართლაც მოვიდნენ; ცოტა დარცხვენილები დაღაღუნნი, მაგრამ მაინც ხომ მოვიდნენ.

— სად იუავით სადა, შეპაიჯილდა ბებრულად მაშა.

— დმერთმანი ვიხუმრეთ, ჩვენ გვინდოდა შეგვეშინებინეთ ცოტა და სასიერნოთ ვიუავით, დარცხვენითა სოქვა იფიგენიამ.

— რა დროს ხუმრობას, რის ხუმრობა, მე გთხოვთ ჩემი სახლიდან წახვადეთ, მე არ მინდა, ჩემი სახლი სამარცხვინოდ გაყვანო, — გუცხლს იკიდებდა ფრანჩესკა — ეს რა უბედურებაა, ეს...

— რად, რად ჭავრობ ფრანჩესკა, გახსოვს შენ თვითონ მარწმუნებდი, რომ შენ და სტუფანომ იხუმრეთ და რატომ არა გჯერა რომ ეგვინც იხუმრებოდნენ, ჩაურთო თავისი ხრინწიანი მოსახრება ჯიოვანინომ, — ეგუენი უფრო უმაწვადლები არ არიან.

ფრანჩესკამ ენახედ იკვინტა, მაგრამ სტუფანომ

აქაც გაამხიარულა ვეკლანი: ხუმრობა საუცხოვო რამ არის, ის თკით სიცოცხლის სიცოცხლეს, სოქვა და ჯიოვანინის აკოცა დანაოჭებულ შებღში.

შარინი.

## „ფინანსიური მოსაზრებანი“

ყოველმა კავკასიელმა ზებირად იცის ტექსტი იმ ისტორიულ რეზოლუციისა, რომლის ძალით საპოლიტეხნიკუმო ადგილად ნავთლული გამოცხადდა და არა საბურთალო. მართალი ის რომ მიუხედავად საერთო უკმაყოფილებისა, რომელიც დაბადა ამ რეზოლუციამ, კიდევ ბევრს სწამდა, რომ მხოლოდ „ფინანსიურმა მოსაზრებებმა“ აიძულა უმაღლესი მთავრობა, ნავთლულისთვის მიეცა უპირატესობა. და ამ იძულებაში მთავარ როლს ის გარემოება თამაშობდა, როგორც მაშინ გვარწმუნებდნენ, რომ ხაზინა უარს ამბობდა რამე დახმარება აღმოეჩინა პოლიტეხნიკუმისათვის. რაკი მდგომარეობა ასეთი იყო, ცხადია უპირატესობა ისეთ ვარიანტს უნდა მისცემოდა, რომელიც უკეთეს ფინანსიურ პირობებს ჰქმნიდა პოლიტეხნიკუმისთვის. ასეთ ვარიანტად ნავთლულის ვარიანტი დასახეს და უპირატესობაც მას მიენიჭა.

ამის გამო, ჩვენ მაშინ ვსწერდით: თუ საქმე ფულებშია, დეე, კავკასიის მთავრობამ ისევ კრედიტი ითხოვოს პოლიტეხნიკუმისთვისო, და მაშინვე ღრმად გვწამდა, რომ ცენტრალური მთავრობა ამისთვის ფულს არ დაიშურებდა. მაგრამ ამის საბასუხოდ ჩვენ მოვისმინეთ ღრმად ავტორიტეტული აზრი მეფის მოადგილისა, რომელიც კვლავ გვარწმუნებდა—ცენტრალური მთავრობა ინდიფერენტულად უცქერის პოლიტეხნიკუმს. ამ რიგად, წინა აღმდეგ საღის მოსაზრებისა; პოლიტეხნიკუმი ნავთლულში იქმნა გადატანილი. მაგრამ ცხოვრებამ მალე გაბათილა ის ორი დებულება, რომელზედაც ეყარებოდა უმთავრესად, უპირატესობა ნავთლულის ვარიანტისა. ნავთლულში არავითარი ფინანსიური პირობები არ აღმოჩნდნენ და არც ცენტრალური მთავრობა ყოფილა თურმე ისე ინდიფერენტულად განწყობილი კავკასიის პოლიტეხნიკუმისადმი, როგორც გვარწმუნებდნენ. გაზეთებში უკვე იყო აღნიშნული, რომ ხაზინა პოლიტეხნიკუმს ერთდროულად შვიდას ათას მანეთს აძლევს, ხოლო, ყოველ-



წლიურად ოთხასს ათასსო. თუ ეს ამბავი მართალა გამოდგა, ჩვენ მოხარული ვიქნებით ამისა, რადგანაც ისე არას დროს არ ესაჭიროებოდა კავკასიის პოლიტეხნიკუმს ასეთი დახმარება, როგორც ეხლა, როცა იგი ნავთილულში მოემწყვდა, მაგრამ არა ნაკლებ მოხარულნი ვართ იმისიც, რომ ამით საესებო მტკიცდება სიყალბე საზოგადო აზრის იმ მისტიფიკატორებისა, რომელთაც შექმნეს არ არსებული ფინანსიური უპირატესობანი ნავთილულისა.

ეჭვი არ არის, რომ ცენტრალურ მთავრობის ასეთი უხვი დახმარება შედეგი იქნება იმ მზრუნველობისა, და კეთილის სურვილებისა, რომელსაც იჩენს გრაფი ნამესტნიკი, მაგრამ იბადება ერთი საკითხი: ნუთუ ამ დახმარების მოწყობა უკეთესი არ იქნებოდა მაშინ, როდესაც საპოლიტენ. ადგილი ჯერ ამორჩეული არ იყო? მაგრამ ჩვენ ვეჭვთ, რომ თვით გრაფი იყო შეყვანილი შეცდომაში სომხის ინტერიგანებისაგან, რომელთაც შესთხზეს ფინანსიური უპირატესობა ნავთილულისა—რითაც უხერხულ მდგომარეობაში ჩააყენეს გრაფი მაშინაც და ნამეტნავად ეხლაც, როცა ხაზინა იძულებულია სრულიად გააბათილოს თავისი უხვი დახმარებით—ფინანსიური მოსაზრებანი სომხებისა.

Z

## თანამედროვე ჯამბაზობა

ტყუილად ამბობენ, ვითომ ერთ ხელში ორი საზამთრო არ დაიჭირებო! არიან ისეთი „პარტიები“, რომელნიც ერთ ხელში სამსაც იჭერენ. აი აიღეთ თუნდა „სახალხო ფურცელის“ № 16 და რას ამოიკითხავთ:

ჯერ ფრიად დასაბუთებულს და მშვენიერს დებულებას, რომ,

ქართველმა ერმა თვით უნდა გასჭედოს თავისი ბუდი. მან უნდა აამოძრავოს მატერიალური, სწავროვო ძალები, მან საძირკველი უნდა ჩაუყაროს თანამედროვე მეურნეობას და ინდუსტრიას, გასწმანდოს თავისი ენა და სხ...

ამასთანავე უსაყვედურებენ დასილებს:

ის (დასული) სედაფს მხოლოდ მემამულეს და გლეხს, მუშას და ინტელიგენტს, სოციალისტს და ლიბერალს...

ახალი საქართველო კი, რომელიც მესამე დასის შემდეგ გამოვიდა პოლიტიკურს ასმარესზე შეგნებულად იბრძვის ეროვნული იდეალისათვის და შეგნებულად უკავშირებს ამ იდეალებს წარსულ თაობა-

თა საუკეთესო ანდრძს. ამ ანდრძში კი არც ერთი ან გახსი არ არის ისე ძვირფასი, როგორც გაერთიანებული საქართველოს იდეა. \*)

თუ დააკვირდებით ამ ამონაწერებს და კბილს გაუსინჯავთ ხაზგასმულ სიტყვებს, უნდა აუცილებლად იმ დასკვნამდე მიხვიდეთ, რომ ბ-ნ გერონტი ქიქოძეს, რომელიც ხელს აწერს ამ წერილს—გარკვეული ეროვნული პროგრამა აქვს, საცა კლასთა და პარტიათა ბრძოლა შეთანხმებულ-შეგუებული უნდა იყოს გაერთიანებული საქართველოს იდეასთან. არ შეიძლება ვიფიქროთ, რომ „თანამედროვე მეურნეობას და ინდუსტრიას“ ბ-ნმა ქიქოძემ სოციალისტური თვალსაზრისი წაუშლევაროს, რადგან პირველი უმეტესი შედეგია ბურჟუაზიის და წვრილ მესაკუთრე—გლეხობის შემოქმედებისა. რომ ბ-ნი ქიქოძე ასე ფიქრობს, ამას ცხად-ჰყოფს მეორე ჩვენი ამონაწერიც, საცა იგი უკიჟინებს დასილებს გამწვავებას კლასთა და ჯგუფთა დანაწილებისას.

ჩვენ არ ვიცით, ვის გულისხმობს ბ-ნი ქიქოძე „ახალ საქართველოს“ წარმომადგენელად, მაგრამ აუცილებელ საქიროებად მივგაჩნია გავაფრთხილოთ პატივცემული ახალგაზრდა მწერალი, რომ დიდათა სცდება, თუ ამ ტერმინის (ახალ საქართველოს) ფარგლებში აქცევს იმ ორგანოსაც, რომელშიაც თვითონა სწერს. ამის დამამტკიცებელი მაგალითები უთვალავია და მათი ჩამოთვლა ყოველად შეუძლებელი იქნებოდა ერთ საკურნალო წერილში, მაგრამ ზოგიერთს კი გვერდს ვერ აუხვევთ, როგორც ძირითადს; მაგ. „სახალხო გაზეთი“ სრული წინააღმდეგია „თანამედროვე მეურნეობის და ინდუსტრიის“ განვითარებისა და იმდენადაც, რომ ყველას, ამ განვითარების მომხრეს (მაშასადამე გ. ქიქოძესაც) „მეწვირლმანების პოლიტიკოსებს“ ეძახის და მიწასთან ასწორებს. იგი ისეთივე თავგამეტებული დამცველია კლასთა ბრძოლის პრინციპისა, რომელიც ერთად-ერთ პროგრესის მომასწავებელ მოვლენად მიაჩნია და ყველა დანარჩენი ეშმაკისაგან არს. და ნამეტნავად ებრძვის იმ თავად-აზნაურობას, რომლისაგან თვითონ შესდგება და რომლის პურსაცა სჭამს, ე. ი. თავის-თავსა. ამას შემდეგაც დაუბრუნდებით და ახლა საუცხოვო მაგალითს ამოვწერთ „ორი საზამთროს ერთი ხელით დამჭერ პარტიის“ ორგანოდან.

იმავე „სახალხოფურცლის“ № 16-ში, გერონტი ქიქოძის წერილს მოსდევს ბ-ნ „სიტყვას“ წერილი: მათ (სტენის მოღვაწეთა) კრებას ძალა-უნებურად აღარებ კაცთა თავად-აზნაურთა კრებას, რომელიც

\*) ხაზი ვუკვან ჩვენია.



გამართლები იყო იმავე დარბაზში რამდენისმე დღის წინად. რა განსხვავებაა მათ შორის, როგორ დაშორებულა ერთი-მეორეს.

თ.-აზნაურთა კრება—ეს მიმავალ ქართველების კრება იყო, რომელნიც იუვენ და დღეს კი არ არიან, რომელნიც იმით არსებობენ, რაც ჰქონდათ და რაც არა აქვთ, არ ექნებათ. სასცენო მოღვაწეთა ურბილობა კი მიმავალ ქართველების კრება იყო, რომელთაც უველაფერი ეკუთვნით, რომელნიც უველაფერის ჰატრანები იქნებიან. ერთნი წოდებრივობის ფარგალში იუვენ მამწვეგდეულები, მეორეთ გადალახეს ეს ზღუდეები და მოვიდნენ, როგორც წარმომადგენლება იმ ხალხისა, რომელიც ჰქმნის ახალს საქართველოს, თანასწორობაზე აგებულს და დამკვიდრებულს. ერთნი მუშაობდნენ უხალისოდ, ზანტად, უიმედოდ, ურწმუნოდ; მეორენი—რწმუნით, მუყაითობით, სიმხნით. ერთნი ცოცხალ-მკვდრებს მოგატანებდნენ, მეორენი სადნი იუვენ და სინცოცხლით აღსავსენი...

თურმე ნუ იტყვი, ასეთი განხვავება ყოფილა ორ კრებათა შორის და განა შესაძლებელია მაგალითად ლაპარაკი ასეთ ორ მოწინააღმდეგე ლაშქარის სოლიდარულად მოქმედებაზედ, როგორც გამოდის ბ-ნ ქიქოძის ზემო მოყვანილ სიტყვებიდან? სრულებით შეუძლებელი ხდება ლოლიკურად თუ გაჰყვით ,,სიტყვას“ სიტყვას. თუ კი ერთ ორგანოში, ერთი პარტიის ფარგლებში ვერ შეთანხმებულა ორი მწერალი და ქიქოძე სწერს იმას, რასაც არღვევს ,,სიტყვა“ (ერთსა და იმავე ნომერში), როგორ შეიძლება ლაპარაკი სოლიდარობაზედ, ლაპარაკი მემამულესა და გლეხს შუა, მუშასა და ინტელიგენტს შუა ,,გაერთიანებული საქართველოს იდეისათვის“?

მაგრამ თუ ჩაუფიქრდებით სინამდვილეს, რასაკვირველია სოლიდარულ მოქმედებისათვის ნიადაგი დიდაც დიდია. კლასთა და პარტიათა ბრძოლა ვერასოდეს ვერ მოსპობს იმ შინაგან დულაბს, რომელიც აკავშირებს ერს ბევრჯელ შეუმცნველის და ბევრჯელ შეგნებული ძარღვებით.

ავილოთ შესადარებელ მასალად თვით ის კრებანი, რომელზედაც ლაპარაკობს ბ-ნი სიტყვა. ერთიც და მეორეც თავით-ბოლომდე ერთგვარია თავის შემადგენელობით; ერთიც და მეორეც წმინდა თავდაზნაურულია და ბ-ნ სიტყვას ლაპარაკი ,,ხალხზედ“, მეტი რომ არა ვთქვათ—უბრალო სიყალბეა. ვინ არის ეს ხალხი? იგივე ,,ბრწყინვალე წოდების“ წარმომადგენელნი; დაწყებული თვით

ბ-ნ ,,სიტყვასაგან“, და გათავებული ლასხიშვილი-კიტა აბაშიძემდე, ამ კრებაზედ თქვენ ვერ ნახავდით (ყოველ შემთხვევაში ვერ გაიგონებდით) ვერც ერთ გლეხს. რასაკვირველია, შეიძლება სთქვან რომ ჩამომავლობა არასა ნიშნავს, საქმე რწმენააო, მაგრამ ეს თუ მართალია ცალკე პირებისათვის, სრულიად გამოუსადეგარია მთელი საზოგადოებისათვის. საზოგადოებას კი, ჯერ ასეთი მაგალითი არა ყოფილა ქვეყნიერობაზედ, არ შეუძლიან ძირიან-ფესვიანად უკუაგდოს ის, რაც საუკუნოებით შეუქმენია. ჩვენ ამით სრულებითაც არ გვინდა დავიცვათ ვისიმე წოდებრივი მისწრაფებანი, მაგრამ სოლიდარულ ეროვნულ მუშაობისათვის თუ კი სადმე ვიპოვიოთ სასარგებლო მასალას, ყველა უნდა გამოვიყენოთ. ასეთი მასალა ბევრია თანამედროვე თავდაზნაურობის საზოგადო კრებებში და თვალდახუჭული უნდა იყოს ადამიანი— ამ მასალით არ ისარგებლოს.

მაგრამ შევადაროთ ეს კრებები სხვა მხრივაც. თურმე თ.-აზნ. კრება ,,მიმავალ ქართველების კრება იყო“ და ამ კრებაზედ კი დაკანონდა ისეთი დიდი ეროვნული საქმე, როგორც არის კახეთის რკინის გზა, რომელიც პირდაპირ ინდუსტრიალურ ფერხულში აბამს ქართველობას, რომელიც გზას გაუკაფავს მრავალ ქართველს მუშაობისადმი და არა ცარიელ ლაყბობისაკენ. ამავე კრებაზედ დამტკიცდა წესდება საადგილ-მამულო კომისიისა, რომელმაც ხელი უნდა შეუწყოს ჩვენში მიწის და მეურნეობის საკითხთა გარდაწყვეტას. ამავე კრებაზედ ყოველ წლიურად სწყდება საკითხი ერთადერთი ჩვენი გიმნაზიისა, რომელსაც ინახავს თავდაზნაურობა. აქავე სწყდება იმ სათეატრო საკითხების ბედიც, რომელთაც ბ-ნი ,,სიტყვა“ ასეთ დითირამებებს უგალობებს და სწორედ რამდენიმე დღის წინად დრამატიულ გამგეობის წევრი და სასცენო მოღვაწეთა კრების პრეზიდენტის წევრი—ეხვეწებოდა თავდაზნაურობას, თქვენი დახმარება 25—30 მანათით ცოტაა და კიდევ სამი ათასი მოგვეცითო. ,,მიმავალ საქართველოს“ კრებამ უმრავლესობით გადასწყვიტა დაეხმაროს ,,მიმავალ საქართველოს“.

ასეთი მაგალითები უთვალავია და მართა უბრალო უმადურობით აიხსნება ასეთი დაჟინებით ბრძოლა თავდაზნაურობის წინააღმდეგ.

გარდა იმისა, რომ ,,მიმავალ საქართველოს“ (?) კრებაზედ ჩვენ ვერ გვიჩვენებენ ვერც ერთს, გამოსულს არა თავდაზნაურულ წრებიდან, (ლას-



ხიშვილი, აბაშიძე, ბარათაშვილი, მესხიშვილები მამა და შვილი, ფალავა, ლამბაშიძე, ჯაჯანაშვილი, დალიანი, ანდრონიკაშვილი და სხვა და სხვა. „ხალხი“ უთუოდ ის ლაქია იქნებოდა, რომელიც კარებს უღებდა წევრებს) - ბევრი აღიზარდნენ თავდაზნაურობის სკოლაში და დღესაც ცხოვრობენ მათის მეოხებით. თვით „სახალხო ფურცელის“ ხელმძღვანელნი და მათი ორგანო თავდაზნაურობის ხარჯით ინახება — ეს ყველამ იცის; მაგრამ არა თავდაზნაურობისაგან, როგორც დაწესებულებისაგან, არამედ როგორც მკითხველთა და განცხადებათა მიმკმე კონტინგენტისაგან. და ეს ასეა არა მარტო გაზეთის თავსა, არამედ ყველა დაწესებულების თავსა: თუ ვთქვათ ერთ დღეს თავდაზნაურობმა, როგორც დაწესებულებამ, ბოიკოტი გამოუცხადა ჩვენს დაწესებულებათ და თავდაზნაურობმა, როგორც წოდების წევრთ, ხელი აიღეს ჩვენ დაწესებულებებზედ — ყველაფერი გაიყინება და მოკვდება. მოკვდება საზოგადოებრივი ცხოვრება და რასაც ბანი „სიტყვა“ „ხალხით“ გააკეთებს — ეს სულ სხვა სფეროს მოქმედება იქნება.

ჩვენ დავასახელებთ ცოტად თუ ბევრად ის საგულისხმებრო საკითხები, რომელნიც გადასწყდა თავდაზნაურობის კრებაზედ. ახლა ვნახოთ რა გაკეთდა „მომავალ საქართველოს სიცოცხლით აღსავსე კრებაზედ“. თუ თვით ბ-ნ „სიტყვას“ სიტყვებს ამოვწერთ, პრაქტიკულს შედეგს ასეთს დავინახავთ: „ჩვენი მსახიობები უკვე შეუღდნენ სასცენო მოღვაწეთა პროფესიონალურ კავშირის დაარსებას; ახლო მომავალში მოვესწრებით საპენსიო კასის დაარსებასაც. ესეც დიდი საქმეა“. ამის გარეშე გამოთქმული იყო ბევრი არა პრაქტიკული სურვილი და ლათაია; მართალი უნდა ითქვას, ქართული ენით. მაგრამ პროფესიონალური კავშირი და საპენსიო კასა ვერ მოიტანს ვერც ქართული თეატრის გაუმჯობესებას, ვერც მსახიობთა განიკითვებას, ვერც სათეატრო მწერლობის აღორძინებას — რაზედაც იყო მსჯელობა. რაც შეეხება უშინაარსო სურვილებს — ასეთები ბევრი იყო: მაგ. ბ-ნ ი. გედევანიშვილი მოითხოვდა... „დრამატურგების კავშირს, მწერალთა უფლების დასაცავად და გონორარის გასადიდებლად“; ბ-ნი ფალავა აქა-იქ ამოკენკილ ტრაფარეტული ფრაზებით ამტკიცებდა... თეატრის, სულიერ განცდათა და ხელ-ფეხის მოუხეშავად ქნევის განსხვავებას და ასეთ საბავშვო სათამაშოებს „მომავალი საქართველოს“ კრება სერიოზულად სჯიდა და კამათში მონაწილეობას იღებდა... დრამატურგების კავშირი,

სამხატვრო თეატრის პოტინი ყველა გამოუცდელი საგან... ყველა ეს მშვენიერად დაასურათა ბ-ნმა შალიკაშვილმა იმ ანეგდოტით, თუ როგორ ირთობდა თავს ძაფზედ ჩამოკიდებული ლორის ნაქრით გურული ოჯახი. ჩვენ არ უარყვოფთ სცენის მოღვაწეთა ყრილობის დიდ მნიშვნელობას საზოგადო მოსაზრებითაც და კერძოდ თეატრისათვისაც, მაგრამ აღნიშნულ კრების მაღლა დაყენება თავდაზნაურობის წრეგანდელ კრებაზედ, ცოტა არ იყოს მეტად გაბედული სიტყვაა. ის „მომავალი საქართველოს“, რომელიც თავდაზნაურობისაგან შესდგება, თავდაზნაურობის სკოლაში აღიზარდა, თავდაზნაურობის სახლში იჯდა და მსჯელობდა, თავდაზნაურობის ქველმოქმედებით იკვებება — არ იყო ის კრება, რომელიც შექმნის ნამდვილს ჩვენს ეროვნულ მომავალს, — ის მხოლოდ ანარეკლია ჩვენი ცხოვრებისა და ანარეკლადვე დარჩება. ასეთი მიდგომით ლაპარაკი კი, როგორც ბ-ნ „სიტყვას“ მოუსურვებია, მარტო პარტიული გატაცებით და მტრის თვალის დაყენების სურვილით თუ არის გამოწვეული. ასეთი ყალბი დიავნოზით საზოგადოების შეყვანა შეცდომაში ადვილია, მაგრამ საეროვნო, საერთო საქმეს არაფერს არგებს. ის სოლიდარული მოქმედება „გაერთიანებული საქართველოს იდეისათვის“, რომელსაც აღიარებს ბ-ნი ქიქოძე, არ ეთანხმება ბ-ნ „სიტყვას“ შედარებას „მიმავალ“ და „მომავალ საქართველოსას“ და, ჩვენის აზრით, ბ-ნ „სიტყვას“ წერილი ზემოდან დადებული საზამთროა, რომელიც მოძრაობის დროს უეჭველად გადმოვარდება და გასკდება ბუშტივით, მაშინ როდესაც ბ-ნ ქიქოძეს საზამთრო, კარგადაა ჩაქედლილი ხელში და მიზნამდისაც უვნებლად მივა. ერთი ხელით ორივე საზამთროს დაქერა კი დაუტოვებთ აზრთა ნამდვილ ჯამბაზებს, ასე ემჯობინება.

\* \*

## ეროვნული უძღურება და მისი სამი სახე

### III

სანამ ეროვნების მეორე თვისების შესახებ წერას შეუდგებოდეთ, საჭიროდ მიგვაჩნია მოკლე განმარტება წაუძღვაროთ იმას, თუ რა იგულისხმება



სიტყვა „თვისებით“. ეს აუცილებელი არის, რადგან სიტყვა „თვისება“ შეიძლება იხმარებოდეს, როგორც რაიმე მოვლენის დასახასიათებლად, ან და როგორც დროებით მითვისებულ საგნის ხილულ ფორმის გამოსახავად, მაგრამ არც ერთი ეს შემეცნება სიტყვა „თვისებისა“ არ გამოდგება, როდესაც „ერის“ შინაარსის გამოკვლევას ვცდილობთ, რადგანაც, აქ საკითხი ეხება არა დროში შექმნილ თვისებას, რომელიც დროსთანვე კვდება, არამედ სპეციალურ, გარდუვალ ხასიათს და ამისათვის ჩვენ ყოველთვის, როდესაც ეროვნების დამახასიათებელ თვისებებს ვეხებით, სახეში გვაქვს სახელდობრ ისეთი თვისებანი ურომლისოდაც ერის არსებობა შეუძლებელია. ესევე გვქონდა მხედველობაში, როდესაც შევეხეთ ეროვნული ენის შენახვის აუცილებლობას ერისავე საკეთილდღეოდ, რადგანაც ენა ერისათვის იგივეა, რაც ფერადები მხატვრისათვის; როგორც ეს უკანასკნელი უფერადოთ ვერ შესძლებს განასახიეროს მის არსში გამოჩაკეთული სახე, ისე ერიც უძღური და სუსტია უენოდ, თავისი ღრმა შინაარსის დაკანონებაში. ამ მკორე განმარტების შემდეგ მოკლედ შევეხებით იმ საკითხს, თუ რამდენად ისახება ერის ინდივიდუალობა მის ზნე-ჩვეულებაში.

არც ერთი ერი მზა ეროვნული სახით არა უშობილა და არც ერთი ერის კულტურა არ არის შედგევი კერძო პიროვნებათა ნებისა და არც განსაკუთრებული ნაყოფი ობიექტიურ არსებობისა. პარალელშიში პირადი ნებისა და პირობებისა დალად ამჩნევია მთელი კაცობრიობის ისტორიას, რომელმაც განვითარების უთვალავი საფეხურები განვლო. მაგალითები რომ საჭირო იყოს გადაჭარბებით ვუჩვენებდით ისტორიულ ერების ცხოვრებიდგან და მკითხველის ყურადღებას განსაკუთრებით მივაქცევდით რომაელთა მოქალაქობრივ ცხოვრების განვითარებაზედ. კლასიკური ეპოქის შემოქმედების საუცხოვო ქურუმნი, რომაელები და ბერძენები, რომელთა კულტურაზედ ავგო დღევანდელი ევროპის ყოფა-ცხოვრება, მათი განუზომელი სიღრმის ისტორია, უტყუარი მოწამე არის თუ რამდენად შესისხლხორცებული, შედუღებული იყო მათში ნება და რეფლექსი შემოქმედებისა. ათ-თორმეტთა ღმერთთა კულტი, მათი მცნებანი, ხალხური ფანტაზიით შექმნილნი... ჰარმონიულად შეეხავნენ სახელმწიფოებრივ ფორმებს, რომელშიაც ცხადად სჩანს დაქიმილი ძარღვი პირადი ნებისა, და რომელშიაც ხალხურ ელემენტს იმდენად ჰქონდა ადგილი, რამდენადაც საერთო ეროვნული ზნე-ჩვეუ-

ლება ხელს უწყობდა რაიმე იურიდიულ ინსტიტუტის შექმნას. რელიგიური და მოქალაქობრივი ჩვეულება, ტრადიცია, რომლის დებულებასაც იზიარებდა მთელი რომაელი ერი და რომელიც გამოწვეული იყო, თუ სავსებით არა—უმეტეს ნაწილში მაინც, იმ ბუნებრივი პირობებით, რომლებშიაც სცხოვრობდა იგი,—დაედგენ სარჩულად რომაელთა კანონმდებლობას და სხვა და სხვა უფლებრივ ინსტიტუტების შექმნას, როგორც მაგალითად—მეფეთა შეუზღუდველი უფლება, ეროვნული კრება, ცოლქმრული კავშირი, დედ-მამის უფლება და სხვა.

ღრმა ანალიზის მერე, საოცარი სინამდვილით იხატება თანხმობა, ანალოგია, რელიგიურ ტრადიციებისა უფლებრივ ინსტიტუტებთან.

რელიგიური დინამიკა რომაელებმა იუპიტერის სახით დაგვიხატეს, რომელსაც ჩვეულებრივ მომაკვდავთა სამყაროში შეესაბამება მეფე, აღქურვილი შეუზღუდველი უფლებით, მაგრამ იუპიტერი, როგორც უნივერსალი ხვთაებრივობისა არ უარჰყოფდა კონკრეტულ ღვთაებათა წარმომადგენლების არსებობას. მაგ. მარქსი, მინერვა და სხვა, რომლებსაც თავისი მნიშვნელობა ჰქონდათ მსოფლიოს ბედ-იღბალის წაღმა-უკულმა ტრიალზედ. რომაელთა მითოლოგიურ თქმულებებში ხშირად შეგვხვდებით ჩვენებას, რომ ოლიმპის ღმერთთა სხდომაზედ სწყდებოდა საკითხები, რომლებიც შეეხებოდნენ მომაკვდავთა ყოფა-ცხოვრებას და ეს რელიგიური ლეგენდები, განა სავსებით არ შეესაბამებოდა ხალხურ კრებას, (народное собрание) რადგანაც ანალოგიური სინამდვილით კერძო პიროვნებათა სურვილი, აზრი საერთოსა ჰქმნის და ემორჩილება მას, როგორც ნებას უზენაეს ღვთაებისას ემორჩილება ნება დანარჩენ კონკრეტულ ღვთაებრივობის წარმომადგენელ. ასე და ამ გვარად ზნე-ჩვეულება, ტრადიცია, როგორც საზომი ეროვნების მორალური განვითარებისა, სარჩულად ედებოდა მოქალაქობრივ წეს-წყობილებას და თუ სავსებით არ სწყვეტდა მათ ხასიათს, თავისებურ მისტიურ დაღს მაინც ასობდა.

მაგრამ, იმის მიზეზით რომ ხალხის ეთიკური გემოვნება რთულდება და იცვლება, საერთო ცხოვრების გართულებასთან ერთად იცვლება აგრედვე ტრადიციაც, ჩვეულებაც, რასაც თანა სდევს ბევრჯელ, შეცვლა უფლებრივ ფორმებისა.

ზნე ჩვეულება, როგორც ახალი ფსიხოლოგიურ სახისა, რომლის დედანი ღრმად ინახება კერძო აზროვნებათა ფარულ ბუნებაში, არ არის ნაყოფი მომენტისა, იგი მუშავდება, ინაკვთება თანდათან-



ბით და რაც უფრო ოჯახი, ან ჯგუფი ან ერის საერო ცხოვრება რთული და მჭიდრო არის, ზნე-ჩვეულებაც მტკიცე და ხანგრძლივია. ამ მხრივ პირველ-ყოფილ ადამიანთა ცხოვრება, ცხადია არ წარმოადგენდა მაინცა და მაინც მდიდარ სალაროს, თუ გინდ მხოლოდ იმიტომ, რომ პიროვნება უერთდება პიროვნებას რაიმე სადღესო სურვილის ასასრულებლად და შემდეგ შორდება; მათ შორის ხანგრძლივი კავშირი არ ასებობდა და რა თქმა უნდა ასეთი დაქუცმაცება-დაქსაქსვა არ წარმოადგენდა ნიადაგს, რომელზედაც შესაძლებელი ყოფილიყოს რაიმე კოლექტიურ შეხედულების აღმოცენება.

ამ თვალსაზრისით შემცდარი არ არის ის შეხედულება, რომელიც საკმაო სინამდვილით აღნიშნავს, რომ მას შემდეგ რაც კულტურამ ფეხი შესდგა კერძო საკუთრების საფეხურზედ, შესაძლებელი გახდა, რომ პიროვნებათა შორის მჭიდრო და ხანგრძლივი კავშირი დამყარებულიყოს, რასაც თან სდევდა ზოგადი ზნე-ჩვეულებისა და ტრადიციების წარმოშობა, მაგრამ მიწის კულტურის აღორძინების ხანა უკვე ძლიერ მაღალი სოციალური საფეხურია და კაცობრიობის ეროვნებად დიფერენციაციის პროცესი წინ უსწრებს მას: უკე ეგვიპტელებს, ასსურელებს და სხ. აქვთ საკმაოდ მაღალი მიწის კულტურა და ამითი აიხსნება კიდევაც ის გარემოება, რომ დასახელებულმა ერებმა, ჩადგანაც ჰქონდათ ნიადაგი სოციალური არსებობისათვის, შესძლეს შექმნა მთელი რიგი ზნე-ჩვეულებისა, რომელიც საფუძვლად ედებოდა მათი არსებობის მრავალ მხარეს. მიწის კერძო საკუთრებად ქცევამ, მიაბა ადამიანი განსაზღვრულ სივრცეს. საკუთრების დაცვის სურვილმა აიძულა პიროვნება თავისსავე მსგავს პიროვნებასთან დაკავშირებაზედ; კავშირი ითხოვს კომპრომისს, დათმობას, ასაზოგადოებს ნებას, და ეს უკანასკნელი ხელს უწყობს საზოგადო ზნეობას, ჩვეულების ჩასახვა-განვითარებას.

ერი გაცილებით უფრო ინდივიდუალური ჯგუფია ვიდრე ოჯახი, მოდგა და სხ. და მისი ღრმა მისტერია ფილოსოფიაში, ან მეცნიერების რომელიმე დარგში კი არ იხატება, არამედ ზნე-ჩვეულებაში, როგორც მის მორალურ ღირებულებათა სალაროში. თუ რამდენად ერი თავის კერძო ინდივიდუალური სახით იბეჭდება მის მიერვე შექმნილ ზნე-ჩვეულებებში, ნათლად სჩანს მის საერთო კულტურადგან და განსაკუთრებით ხალხის ფანტაზიის შემოქმედებაში, ხალხურ ლირიკასა, მითოლოგიასა, არაკებში და სხვ.

ბუნებრივი პირობების ზეგავლენით, რომაელები იძულებული იყვნენ მთავარი ყურადღება მიწის მეურნეობისათვის მიექციათ, რაიც ითხოვდა დაქინებულ მუშაობას და პირიდი ინიციატივის განვითარებას, გაძლიერებას ხელს არ უწყობდა; პიროვნება მხოლოდ ერთი საშუალებათაგანი იყო, რომლის შემწეობითაც შესაძლებელი იყო მხოლოდ რაიმეს დაწყება, დასრულება კი ემორჩილებოდა უზენაესად მომქმედ ძალებს; ერთგვარი ფატალიზმი ჰქლავდა პიროვნებას, და რომაელთა რელიგიაც წარმოადგენდა უსახო ღმერთთა სამყაროს, რომლებიც ხატადნენ მხოლოდ ადამიანთა ყოველ-დღიურ წვრილმალ დამოკიდებულებას და ჩვენა ვხედავთ, რომ ეს ეროვნული თვისება, ხასიათი, ჩვეულებად ქცეული, საკმაო სიძლიერით აღიბეჭდა მათ საუცხოვო კანონმდებლობაში რომლისთვისაც ნება პიროვნებისა ფიქცია იყო და თვით პიროვნება საფეხური უფრო რთული ორგანიზმისა. პირიქით, ბერძენთა ნაციონალურმა რელიგიამ, რომელშიაც, — განსაკუთრებით პირველ აღორძინების ხანაში განსახიერდა ეროვნული ხასიათი, — შექმნა მშვენიერ და მხიარულ ღმერთთა სამყარო, რასაც სავსებით შეესაბამებოდა ელინთა ლალი და თავისუფალი ფანტაზია. ეგოცენტრიული ფილოსოფიური სისტემა საბერძნეთის კუნძულებზედა შვეს მისმა გამოჩენილმა მეცნიერებმა, სადაც კულტი პიროვნებისა უმაღლეს წერტილამდის მიიყვანეს; სწორედ ამ გვარმა სხვა და სხვაობამ შვა სხვა და სხვა ზნე-ჩვეულება, რომლის შედეგად კაცობრიობამ მიიღო მათი საუნჯე, რომაელთაგან — მწყობრი, საკვირველი კანონმდებლობა და ბერძენთაგან — ორმა მოცისკროვნე ფილოსოფია.

საყურადღებოა, რომ ეროვნებათა ცხოვრებაში რელიგიურ ჩვეულებათ შტეტი მნიშვნელობა ჰქონდათ, ვინემ სხვა მოქალაქობრივ ჩვეულებათ, რომლებიც თითქმის პირველისაგან მომდინარეობდნენ, მისგან იღებდნენ შინაარსს; მაგალითად, ცოლ-ქმრული კავშირი, ურთიერთობა, ოჯახის წევრთა უფლებება, სავსებით ემყარებოდა რელიგიურ წარმოდგენაზედ, და ბევრი სხვა ასეთი ჩვეულება სიძლიერით მაშინ მტკიცდებოდნენ, როდესაც სარწმუნოების ბურუსში გახვევოდნენ. კერძოდ ჩვენი ერის ცხოვრება ამ მხრით, მდიდარ მასალას იძლევა, მაგრამ ჩვენი ხალხის მთელი რიგი ზნე-ჩვეულების გადასინჯვა, მისი დაკავშირება მასის ფსიხოლოგიასთან, მათინდივიდუალობის აღდგენა, გაზნეთის თუ გინდ ძლიერ ვრცელ წერილშიაც შეუძლებელია, ამისათვის შევეხებით მხოლოდ იმ ზნე-ჩვეულებას, რომ



მელშიაც ქართველმა ერმა საერთოდ ჩამოაყალიბა თავისი ეთიკური სახე.

მიუხედავად იმისა, რომ საქართველო მთელი თავის თვითარსებობის სიგრძეზედ შეზღუდული იყო სულ სხვა კულტურის მქონე ერებისაგან, რომელთა პოლიტიკური სიძლიერე ტლანქი სიმძიმით აწვებოდა მას, მიუხედავად ყოველისა, ძირითადი გარდაქმნა, შედუღება ამ ორი კულტურისა მაინც არ მომხდარა და მეტი თავისებურობა ჩვენმა ერმა სახელდობრ იმ სფეროში შეინარჩუნა, რომელშიაც სინამდვილეში მეტი საფრთხე მოელოდა ეს, იყო ეთიკური თავისებურობის შენარჩუნება. მაგალითად: პოლიგამია, მრავალცოლიანობა, რომელიც თვალსაჩინო იურიდიული ინსტიტუტი იყო ჩვენ მეზობელთა უფლებრივ ცხოვრებაში, ქართველმა ერმა არამცთ თუ არ იკისრა და შეითვისა, პირიქით დაუპირდაპირა მის მიერ შექმნილი კოლქმრული კავშირი, რომელსაც თავზედ მუდმივობის გვირგვინი დაადგა და საფუძვლად დაუდგა სულ სხვა გრძობები, ვინემ ამ პრინციპს დაუდევს სხვა ქრისტიანულმა ერებმა. გარდა ოჯახური კავშირის სიწმინდისა, ჩვენმა ერმა არა ნაკლები ყურადღება მიაქცია მეგობრობას, მის სიწმინდეს და ეს გრძობა მან ჩვეულებად გაიხადა, ძეგლი აუგო; ავთანდილისა და ფრიდონის უანგარო მეგობრობა ტარიელისადმი, რომელიც შოთამ შეუდარებელი სიმშვენიერით გამოხატა, პოეტური ფანტაზია კი არ არის, — მას ღრმა კავშირი აქვს თვით ჩვენი ერის ფსიხოლოგიასთან; „ნიავეს წყნარად დაჰბერე, ფოთოლს ტამ დააკრევიანე, სწორის არ გამტანს უფალო, ფეხისად წააკრევიანე“, ამბობს ხალხური ლექსი, და ამ სიტყვებში ხალხმა გამოხატა თავისი სულის სიღიადე, გვიჩვენა თუ რამდენად ზნეობის მაღალ საფეხურამდის ავიდა იგი, როდესაც განამტკიცა, გააჩვეულებრივა, დააკანონა თანაგრძნობა, გაზიარება სხვისი ჭირ-ვარამისა და მხიარულებისა. ბევრი სხვა ამგვარი ჩვეულება, რომელშიაც გამოსჭვივის ჩვენი ხალხის ზნეობრივობა, კერძო წოდების სახელმძღვანელო კოდექსი არ იყო, იგი ერის კუთვნილებას შეადგენდა. ამ მხრით დასასრულ ვიტყვი, რომ ზნე-ჩვეულება არ წარმოადგენს მუდმივობას, იგი სწრაფ ცვალებადობას განიცდის, მაგრამ მრავალ ჩვეულებათა შორის არიან ისეთები, რომელთაც ორგანიული მკვიდრი კავშირი აქვთ ერის ფსიხოლოგიასთან, ამიტომ მათი ცვალებადობაც ნელ-ნელა ხდება. საერთოდ უნდა ითქვას, რომ ზნე-ჩვეულება ერის მორალური განვითარების სიმაღლის მაჩვენებელია და მისი ცვალებადობა საიმედო თავდები ერის მუდმივი ზნეობრივი განახლებისა.

მორალური უმოძრაობა, კონსერვატიზმი, რომელსაც ჩვენ ვამჩნევთ მეტის სიცხადით ჩინელთა და სპარსელთა ცხოვრებაში, შემოქმედებითი სიკვდილის მომასწავებელია, ისე როგორც რომაელთაგან მოქალაქობრივ ტრადიციების უარისყოფა, დავიწყება, აბუჩ:დ აგდება, გახდა მთავარ მიზეზად მათი დაძაბუნებისა, გახრწნისა და ბოლოს სიკვდილისა.

შალვა ჯ — ძე.

## ფრანც-ფერდინანდის მკვლელობა

მოთხვეულს უკვე ეტოდინება გასუთებიდან დაწვრილებითი ცნობები ავსტრო-უნგრეთის ტახტის მემკვიდრის, ერც-ჰერცოგ ფრანც-ფერდინანდის მოკვლის და ჩვენ არ შეგხედებით იმის აღნუსხავად, თუ რომელი ქუჩის მოსახლეობა მოხდა ეს ამბავი, ან რა უთხრა ფერდინანდმა სრავკოს მოურავს ზირველი გადარჩენის შემდეგ; უკვლავ ამას შემთხვევითი ხასიათი აქვს. მაგრამ სწორედ მიგვაჩნია გათვალისწინება იმ მიზეზებისა, რომელთაც დაატრიალეს ასეთი უბედურება ავსტრიის სამეფო გვარეულობაში. უკვლავს კარგად მოეხსენება, რომ ავსტრია მრავალ ერისაგან შეკრფილი სახელმწიფოა, რომელთა შორის გაუთავებელი ეროვნული შუღლი და დავიდარბაა. ეს ეროვნული შუღლი აქამდის ზოულობდა გამოსახულებას სტუდენტების დემონსტრაცია-შეტაკებაში და საზარდაშენტო აჯალ-მჯალში. უკვლავ იცის, რომ ავსტრო-უნგრეთის რეიხსრატი, ეროვნულ უთანხმოებათა წყალობით, ბოიკოტების, ობსტრუქციების და მუტი-კრავის კლასიკურ ზარდაშენტად გადაიქცა. სახელმწიფოს მოსახლე ერთა შუღლი ასეთ მცირე შეტაკებათა გარეშე თითქმის არ გამოდიოდა, სანამ გარეშე ზირობანი ერთგვარ status quo-ს ემორჩილებოდნენ და ფრანც-ისების სიმშენატორთა მთავრობის გამოცდილება დიპლომატიურად ჰბორკავდა მას. სანამ გარეშე ზირობათა შეცვლაზედ გადავიდოდეთ, უნდა გაითვალისწინოთ მოთხვეულს, თუ რ როდეს თამაშობდა ამ ეროვნულ გაწა-მწაში მოკვლული ფრანც ფერდინანდი. როგორც ტახტის მემკვიდრეს მას დიდი გავლენა ჰქონდა სახელმწიფოს უმაღლეს და სამეტნავად სამსუდრო წრეებში. და ეს გავლენა გამოიხატებოდა ნამეტნავად იმაში, რომ არამცთუ დროით შოტანიდ რეფორმებს აფერხებდა, იგი, როგორც უკიდურესი რეაქციონერი და იმპერიალისტი, ეფველ გზით სწდილობდა ისტორიის ჩარხის ბრუნვას შექმნერბინა. იგი უსუსტოკესი მტერი იყო უკვლავს „წვრილ ერთა“ თავისუფლებისა და სამეტნავად სლავიანებისა, რომელთაც მისი აზრით უნდა დაეკარგნათ მთლად თავისი ფიზიონომია, რომ სახელმწიფო ერში ათქვეფილიყვნენ. ის იქამდის იყო გატან-



ბული სლავიანთა შემოსვრის იდეით, რომ არამცთუ ავსტრო-უნგრეთში მოსახლე სლავიანები განიდგინებენ ამ მკაცრ ზეგავლენას, არამედ სერბიელებს, სერბოკოვლებს და ბულგარულთაც უხდებოდათ აზგარიშის გაწევა. ფრანგ-ფერდინანდის ფაზატიკოსობამ ამ იდეაში, რამდენჯერმე რუსეთთან შეტაკების საკითხიც კი წამოაყენა ავსტრიაში; ნამეტნავად უკანასკნელ „მასლობელ აღმოსავლეთის“ ამის დროსა.

მაგრამ ეველა ეს ავანტურისტური გრძნობა, რომელითაც იგი ფიქრობდა სლავიანთა განადგურებას და ავსტრო-უნგრეთის ქვეშევრდომთა პატრიოტიზმით გამსჭვალვას, იმ გარდუვალ დაბრკოლებას უხეთქებოდა, რომელსაც უეწებდა წინ აღდგომის დიპლომატიის და ფრანგ-იოსების „მშვიდობიანობის მოყვარულობა“. ავსტრო-უნგრეთის ბედის გამგები ვერ ჰბედავდნენ იმ სახელმწიფოს საომარ ავანტურებში ჩათრევას, რომლის შემკურთხეული კავშირი ბოლოს და ბოლოს — უხეში ძალაა.

ახლა დაუბრუნდეთ იმ ხანას, როცა დაიწყო სლავიანთა და ბერძენთა ბრძოლა ოსმალეთის წინააღმდეგ. ავსტრიის გარეშე გამოეხატა *status quo* დაირღვა და ამით თვით ავსტრიის ფარგლებში შეოფ ერთა ძალებიც სხვა და სხვა გვარად ნაწილდებოდნენ. სულ რამდენიმე წლის წინად ძალად შემოერთებული ბოსნია-გერცეგოვინა, სერბიელებით და სხვა სლავიანებით დასახლებული სამხრეთი ქვეყნები შეტად ადღევდა და დაიშლიანა „სლავიანთა ბრწყინვალე გამარჯვებამ“ ოსმალეთის ოდესდღე უდრეკ ძალაზედ. ზოგან ბუნდოვანი და ზოგანაც გარკვეული სურვილები გამოადგამს და ავსტრიისათვის საჭირო გასდა მთელ დიპლომატიურ და სამხედრო ძალთა შეჯგუფება, რომ „კრელი“ სახელმწიფო დარღვევისაგან დაეხსნათ. აი სწორედ აქ იხანა თავი ნამეტნავად ფრანგ-ფერდინანდმა და სლავიანთა მებრძოლი ერები მუდამ საფრთხეში ჰყავდა ომის მუქართ. მკითხველს ესომება, რომ ხან ჩერნოგორიის აკლებას აპირებდა ავსტრია, ხან რამდენჯერმე სერბთა გააბეზრა ომის ქაღილით; ჯერ ჰგლეჯდა ხელიდან „ბაზარის სანჯახს“, ხან ზღვის სანაპიროს დაჭერის უფლებას უსწობდა და ბოლოს ხომ აღბანის სახელმწიფოც შესთხეეს. ბულგარულთა და სერბიელთა შეტაკებაც ავსტრიის დაუხმარებლად არ მოხდა. მკითხველს ესომება ის გარემოებაც, რომ ერთიხნობით, ავსტრიაში მობილიზაციაც კი გამოაცხადა თავის ინტერესების დასაცავად — რუსეთისაგან. ეველა ამ საომარ საღურდელის ამშველი და სამხედრო ზარტის მეთაური — იგივე ფერდინანდი იყო, დაუბრკოლები მტერი რუსეთისა და მთელის სლავიანობისა. საომარმა ობჟანთა-უდურამა ამ ჟამანდ გასჭრა და ავსტრია არამცთუ უგნებელი. დიპლომატიურად გამარჯვებულიც გამოვიდა. მართალია, იარაღის ხსარა-ხსური ძვირად დაუჯდა ავსტრიას, მობილიზაციამ რამდენიმე მილიონი ფული შეიწირა, იმდენი რომ სამხედრო წრეები ამასაც კი საბუთად იყენებდნენ: ამდენი ხარჯი ტუუილად მოგვივიდა და ომი კი არ დავიწვეთო, — მაგრამ ეკონომიური მსხვერპლით, ავსტრიაში პოლიტიკური პრესტიჟი სრულად დაიწვა.

ამის შემდეგ, როცა ავსტრიის ზედა პირისა და ნამეტნავად სამხედრო ზარტის უინი ჩაიხრჩო დიპლომატიურ და შინაურ პოლიტიკის ქიელებში, ფრანგ-ფერდინანდს აღარ დარჩენოდა რა უბრალო ეფოთობის შუტი.

ერთის მხრით სლავიანთა გამარჯვება ოსმალეთ-ზედ და მეორეს მხრით უდიერი ქიევა ავსტრიისა აშვე სლავიანთა მიმართ ომის დროს და ომის შემდეგაც, რასაკვირველია ლახვდა აწეულს თავმოყვარობას პატარა სლავიანთა ერებისას. მათი ეროვნული შეგნებისათვის აუტანელი ხდებოდა ისეთივე დამცირება გასბურგთა იმპერიისაგან, როგორც გამარჯვებულ „ჯვაროსანთა ომის“ წინად. მაგრამ სლავიანებმა კარგად უნდა იცოდნენ, და შეტადრე მათი პოლიტიკის ხელმძღვანელთ, რომ ჯერ არ მომწიფებულა არც ავსტრიის დანგემა და არც მისი დანგემა სლავიანთა პატარა ერებისაგან ნამეტნავად; ამიტომ უკმაყოფილება მათი და ეროვნული თავმოყვარობა ვერ იზოვის კარგა დიდხანს გასავალს რომელიმე მათერ შეტაკებაში ან ახლილ დემონსტრაციაში მინიც, როგორც ერისა და სახელმწიფოს — ავსტრიის წინააღმდეგ. აი რისთვის იყო შესაძლებელი უკანასკნელი პოლიტიკური მკვლელობა, რომელიც მოამხადა კერძო ჯგუფმა, როგორც გამოხსტველმა საერთო ეროვნულ უკმაყოფილებისამ. სლავიანურ ერთა უკმაყოფილება, ასე ვსთქვათ, ოფიციალურ გასავალს ვერ იზოვიდა და მცირე ჯგუფებმა და კერძო პირებმა ითავეს შეხის დატეხა იმ ადგილას, რომელიც უფრო მკაფიოდ და წინ მოსჩანდა გერმანია-ავსტრიის პოლიტიკურ ხაზზედ — ეს ადგილი იყო ფრანგ-ფერდინანდი. რასაკვირველია, ასეთი კერძო მკვლელობა ვერ შეშლის გერმანია-ავსტრიის პოლიტიკის სლავიანთა მიმართ, თუ უფროც არ გააშწავებს, მაგრამ იგი უოველ შემთხვევაში გამომშლავანებული მოფენა სლავიანთა და გერმანიელთა ურთიერთ განწყობილებების. ძიელა, წარმოვადგინოთ, რომ დღევანდელ საერთაშორისო პირთებში და ბალკანეთზე ძალთა თანამედროვე განწილების დროს — ეს მკვლელობა გადაიქცეს საბაზად ომისა: როგორც ერთის, ისე მეორე მხარის მთავრობანი ედებთან ამ მოვლენას კერძო ხსიანთის იერი მისცენ და ერთ-ერთის ჯვარის ამოურა უფრო ხელსაყრელ დროისათვის გადასდონ, მაგრამ გარეშე მდგომთათვის კი ცხადი უნდა იყოს, რომ ასე მომხდებელი შეთქმულობა ნაციონალურ უკმაყოფილებაზედა დემონსტრაციული და ცაბრინოვინი და გაბრიელ პრინციამ ამ უკმაყოფილების გამოხსტველი იარაღია.

მომმარი.

რედაქტორ-გამომცემელი

რ. გაბაშვილი.



☛☛☛ სოციალ-დემოკრატიული საპარტიო და სალიბერალური გაზეთი ☛☛☛

# „ი მ ე რ ე თ ი“

ახალის რედაქციით და თანამშრომლებით.

მიიღება ხელის მოწერა 1914 წლისათვის. გაზეთის ფასი: ერთი წლით—7 მან. ნახევარი წლით 4 მან. ერთი თვით—80 კ. ცალკე ნომერი ერთი შაური.

ადრესი: Кутаист, редакция газ. „Имерети“.

ეოველეკვირეული სამსახურ-საღიგობრო, სათეატრო და

სასოგადოებრივი შინაარსის სურათებანი ქუ რ ნ ა ლ ი

## „თეატრი და ცხოვრება“

ჟურნალს საგანგებო თანამშრომელ-კორესპოდენტები ჰყავს რუსეთსა და საზღვარ-გარედ. ჟურნალში თანამშრომლებენ ცნობილი მწიგნობარნი, მუსიკოსნი, დრამატურგნი, მკვლევარნი, და მხატვარ-ხელოვანნი.

ჟურნალის ფასი: წლიურად 5 მ. ნახევარი წლით 3 მან. ცალკე ნომერი იორ შაური. ფულის გადახდა ნაწილ-ნაწილადაც შეიძლება.

ხელის მოწერა მიიღება ქართ. დრამატ. საზოგ. კანტორაში და იოსებ იმედაშვილთან („სორაბ-ნის“ სტამბაში).

1894 წლიდან

1914 წლამდის

საუკეთესო დგინოდ ითვლება დგინოდ

სასოგადოება „კ ა ხ ე თ ი“-სა

ტელეფონი:

№ 73 და 3—51.

თბილისი: გოგოლის ქუჩა 63

და ერევნის მოედანი.

განყოფილებანი: ბაქოში, ასხაბადში, ტაშენთში, მოსკოვში, ბათომში, რასტოვში და სხ.

ელექტრო-მბეჭდავი სტამბა ს. ლოსაბერიძისა, მოსკოვის ქუჩა 5.